

名

山

藏

名山藏卷之十五

臣何喬遠恭輯

典謨記

憲宗純皇帝

御諱

英宗皇帝長子也故名

母周太后生時紅光滿室其歲天下大稔英宗北狩
郕王監國慈壽皇太后立爲皇太子方三歲郕王卽
位立其子見濟降封沂王英宗復辟更名上復立爲
皇太子上廣額豐頤方面大耳目睛如漆光彩射人
左右莫敢仰視出閣講學敏於讀書便習騎射侍膳

問安孝敬備至英宗大漸召屬後事既崩羣臣三勸
 進以正月乙亥即皇帝位下詔以明年為成化元年
 大赦天下罷鎮守內官及緝事官較下璽局局丞王
 綸及翰林院侍講學士錢溥尚寶司司丞朱奎獄降
 綸內使發南京閒住溥順德知縣奎鹽課副提舉凡
 與綸交通者皆降調之兵部侍郎韓雍等調外錦衣
 都指揮僉事門達等調邊典璽局局丞王綸事上於
 車宮事多專權一時羣小
 希進用親後福者多與交通而翰林侍讀學士錢溥
 以嘗奉命教內書館論嘗交學馬時尚寶司丞朱奎
 以幼童陪讀館中相親昵俱交學奎是先帝不豫溥
 意綸必典機務預有人閣之喜密遣奎通綸於禁中
 綸因借奎造溥家教弟子禮坐溥上坐飲至脯而去
 內閣學士陳文與溥鄰居知其事及帝崩奎持晉州

知州鄒和所隸論以入或曰此溥密遺詔也給
亦以例當納用驛於恣者而司禮監太監牛玉恐其
紀己玉在春坊贊善中給所厚中允劉珣與溥有隙
會帝大殮給哀服襲貂裘於外觀堂上見面惡之玉
因數其過惡勸上執下獄又喉人發其交通事并逮
溥等法司去律從旨以夜例并從發與論降內使發
南京開住溥降順德縣知縣奎監課副提舉和雲
潤滄衛經歷凡十日與論交通者因論詞俱反皆降
議外任於是兵部右侍郎韓雍降浙江左參政順天
府尹王福降兩浙鹽運使治中丘晟調福州府同知
通政司右參議趙昂瑞州府同知南寧伯王榮都督
馬良調廣西都督馮宗劉聚調廣東各總本處總兵
官調遣殺賊錦長衛掌衛事都指揮僉事門達指揮
同知郭英陳綱指揮僉事呂貴俱調貴州邊衛達都
勻英安南綱赤水貴
平越皆帶俸差操云

二月乙未上大行皇帝尊諡詔
天下科道官重劾門達罪浮於降繫獄論死籍其家
餘黨皆貶戍名還袁彬代之始傳陞司禮監人匠旺

為文思院副使湖廣苗賊平乙巳黃塵四塞壬子風
靈書晦三月甲寅朔尊母后皇后為慈懿皇太后母
妃為皇太后詔天下省兩京供用庫及司苑等局歲
辦十之三安南國王黎灝求寃服不與與皮弁常服
廣西蠻賊入梧州北流等縣放宣德天順間宮人毀
錦衣衛城西獄復岳正楊瑄張鵬官廣西流賊入廣
東界劫虜肇慶雷廉高州等處巡撫都御史葉盛及
副總兵歐信等調官軍士兵擊斬之禁內官增修寺
院求乞賜額有揭匿名帖謗大學士李賢者下都察
院禁之揚州人民無故驚疑皆南奔簡三大營軍一

二萬分爲十二營擇坐營協贊等官命會昌侯繼宗
太監永誠提督操練內臣十二人監鎗給事中御史
各一人巡察廣西賊陷陸川平南諸縣四川賊趙鐸
等流劫銅陵諸縣四月初享廟廣西流賊入廣東石
康等縣四川賊悟昇等反都指揮何洪等尋討平之
甲午孝恭章皇后祔廟令刑部試事進士同司官僉
書問刑五月丁巳大風雹飄瓦拔木壞郊壇番賊劫
掠岷州巡撫陝西右副都御史項忠撫捕之四川賊
猖獗遣戶科給事中童軒威諭之庚申葬英宗於裕
陵戊辰祔廟勅曰朕雖在疚敬天恤民不敢忘慮天

災屢見朕甚懼焉意者德未脩政未舉歟心未誠行
未至歟抑爾羣臣弛慢不飭無能匡輔安和歟其名
恪恭以回天意庚午始視朝禁天下朝覲官徵斂於
民命囚徒守瞭沿邊墩臺死罪五年流罪四年徒罪
如律條年限每月給糧叁斗著爲令以順聖川牧地
爲屯田六月改賜真人張元吉封號及其母七月禁
邊將駭削所部壬申立皇后吳氏大學士李賢等
言山西大同饑邊報日夕至宜令撫臣加謹上曰寇
猶邪氣善攝生者毋令虛人卿等慮是革官吏科斂
弊總管神機營撫寧伯朱永薦甘肅總兵官定襄伯

郭登自代上嘉之召登還八月革冒迎駕功陞職者
癸未初御經筵甲申初日講科道官薦漕運副都御
史王竑巡撫宣府副都御史李秉宜召而大用之廷
議皆是上曰古者夢卜求賢况今有輿論竑可兵部
尚書秉可左都御史言官交論兵部尚書馬昂不職
其改於戶部廢吳皇后下選婚太監牛玉獄安置南
京九月冊見瀟為荆王申鉞為蜀王增京畿府州縣
儒學生員廩米十月壬辰立皇后王氏陞東鹿知縣
盛顥襄陽知縣李人儀為知府

盛顥無錫人初為御史以言石亨謫知東

鹿臺右闕其來相戒曰不可犯也是嘗劾石總兵者
類至响响然盡得吏畏民安未幾丁察民雷之不可俟

其服闋相率詣奏乞職再任從之雖至不用刑罰有爭訟者諭之以理輒叩頭聽受不復辨邑界真定二府間四境之衆聞風趨赴郊外有荒落地聚或市邑人因爾清官店累墜右副都御史立武舉

法十一月復設京衛武學以順義縣故所沒太監吉祥地爲宮中莊田始名曰皇莊南京給事中王徽王淵朱寬李翔李鈞等言牛玉罪重罰輕宜寘之死并劾及李賢俱謫州判官都督僉事何洪殺賊趙鐸於梓潼縣死之贈一級予祭葬襄王瞻塔於先帝時請興工造牌鑄鐘至是請以詔書趣成上曰朕初卽位一切省不急已布詔卽失信於下亦無益叔祖德叔祖亮之十二月初定諸羣王府將軍中尉并妻及縣

君鄉君儀賓冠服制始傳陞道士孫道玉爲真人肅
王瞻煇薨是歲廣西徭賊流劫湖南境人桂陽州城
成化元年正月上朝行郊廟之祭命中軍都督同知
趙輔佩征夷將軍印充總兵官右都督和勇充遊擊
將軍浙江左參政韓雍爲都察院左僉都御史贊理
軍務調番漢軍大征廣西蠻賊使御史二人束軍祭
故死賊者汀州府推官王得仁于汀州得仁新建人
宣德間以

任汀州經歷歲能勤恕時衛官卒橫甚答殺府隸得
仁餘奏寘重典中官至索郡縣金千百得仁揚言曰
吾父且奏矣中官惕去所平反死戍獄者屢具密懷
金玉爲謝詞斥之九載任滿所屬軍民乞留之陞七
品俸復任二載陞推官沙尤寇鄧茂七反遣其黨徐
政景圍汀衆推得仁捍禦得仁嚴爲城守民避寇人

者力請守發康賊之乘賊不意開門奮擊遂大破賊
輒政景等拔途京師守將欲入山搜餘黨得仁曰不
徒連乎力爭止辨釋俘獲平民四百餘人賊黨攻寧
化復率兵往援遇之於歸化蓋洋與戰大敗之追至
大陂斬首數百級降其脅從二千分津詣軍陰遣卒
誘及七親黨三十餘人殺之謀大舉直搗其巢因積
勞兵事犯厲氣卒江人聞之如喪父母請于朝立忠
愛祠祀之而歸化人卽所沒之地立忠臣廟以祀得
仁 二月諭北虜曰自開闢以來中國必有聖人受命
主四方天命不與不能久也我高皇帝受天明命傳
世至朕惟成憲是遵今爾欲我遣使往來非我高皇
帝成憲正統中以此失好英宗皇帝悔而止之爾能
歲遣朝貢朕如故事賞不爾薄弗提衛都督察阿奴
請進海青上曰野禽蕩心有司却之廣西流賊攻劫

梧州博白等處鬱林尤甚上曰都御史吳禎蔽賊不以聞其記過御史趙啟爲故尚書于謙諸臣訟冤乞收回暴章於天下施存歿之恩上曰是自昔奸兇不誣人惡不能甚人罪不甚人罪不能大已功朕在青宮稔聞謙寬謙社稷臣也他諸如啟言亟行之甲午耕籍責兩廣四川有司協力剿殺趙鐸賊勅兵部簡閱十二團營將士罷黜把總等官不任者選強將補之趙鐸賊聽招安命守臣撫循之戎縣山都掌蠻反三月浚通濟河要兒渡口虜搆朶顏三衛以九萬騎入遼河總兵官武安侯竑率兵禦卻之以布政使王

恕爲副都御史撫治南陽荆襄三府流民丁巳幸太
學癸亥月食覆天下屯田四月減曲阜縣孔氏子孫
田租三之二陞翰林院修撰岳正禮科都給事中張
寧爲知府五月修比干墓於汲戊午火星畱守斗宿
勅羣臣修省四川賊趙鐸伏誅六月革太平侯瑾爲
錦衣指揮使與濟伯宗爲指揮同知七月設鄰水樂
至東鄉資陽四縣兩廣賊掠陽江等縣廣東副使毛
吉知縣王麒驛丞秦瑄死之予贈官有差兩畿河南
浙江兩水傷稼命撫按賑民八月命工部右侍郎沈
義右僉都御史吳琛巡視民瘼義於北畿琛於南畿

傳奉陞文思院副使李景華陳敦任傑爲中書舍人
九月發銀四萬賑鳳陽徐州饑祠宋儒楊時於延平
以羅從彥李侗配十月吏科給事中沈瑤等言比來
納米粟監生得爲學正教諭非所以重學較請用乙
榜舉人如故事限年五十以下者吏部覆奏從之著
爲令大藤峽蠻賊夜入藤縣城掠庫劫印命諸司覆
奏毋過五日十一月廣西徭賊入高廉二府劫其府
印庫物遂擢連山知縣孔鏞試高州知府靈山知縣
林錦試廉州知府給孔顏孟三氏學印許三年貢有
文行者一人入國學後軍都督同知季鐸使朶顏三

衛歸獻馬四十餘匹上曰鐸不能宣布威德於外夷
乃求馬來獻却之十二月祠元儒劉因於容城荆襄
賊劉通石和尚起命撫寧伯朱永佩征虜將軍印總
兵官都督同知喜信充左參將都督僉事鮑政充右
參將以官軍萬五千餘討之以工部尚書白圭提督
軍務

二年正月虜三萬騎近安邊營境使備之諭荆襄流
民復業被賊脇者許自歸有能擒賊者倍軍功之賞
復歸十二營官軍於三營命貴州巡撫副總兵會剿
都掌蠻賊詹事府少詹事孔公恂言邊下獄尋出爲

漢陽知府

公恂爲人直憲與衆不合初爲給事中以宣聖後世稱聖公孔弘者大學士李賢

也遂不次用爲少詹事已有嫉之者及上卽位改大理寺少卿尋自奏復少詹事至此上疏論邊事謂總兵中止有朱永一人於是諸總

劉通賊僭號王分其

黨與劉長子石和尚爲將軍軍師辛酉附英宗主於

太廟壬戌皇長子生母曰萬氏命九卿大臣各舉堪

任布按二司官吏部從公分職日後坐賊連坐舉者

二月重修闕里孔子廟成御製文紀之虜人寧夏環

縣及保德州三月大學士李賢丁父憂命傳而奔喪

葬畢亟來賢乞終制不許開封萬氏爲貴妃柏氏爲

賢妃命禮部度僧以賑民韓雍破大藤峽賊朱永白

與僉都御史王儉擊敗劉千斤於南漳皆勅獎之

閏三月勅湖廣總兵官都督同知李震討靖州苗賊

工部侍郎沈義右僉都御史吳琛巡視無狀下獄以

禮部侍郎鄒幹代義都御史林聰代琛吳琛繁昌人既登鄉榜勸

學不懈至吐血數升景泰中成進士拜監察御史天

順中以劾奏百亨許旨補遷安知縣尋還臺職累遷

右僉都御史巡撫甘肅與平寇將軍衛穎征勦西番

以沙巴哇等七族斬獲千三百級成化改元淮揚饑

命琛賑恤琛勞心荒政多以便宜行事以切直忤權

貴坐生謗毀逐官南臺代者林聰言琛誣枉聲稱遂

重連■內外艱聘贈一無所受服將闕朝廷即家命
巡撫兩廣尋命巡撫湖廣居官五年吏民上章乞雷
韓雍致仕僉謂惟琛可以代之於是報琛以去父老
扶攜攀送齋咨涕洟一時巡撫大臣深得軍民之心
者莫琛如也琛在兩廣訓士練兵徵召羣寇曉以同
福無不踴躍革心向化袁化乙未卒于官為人勤敏

自童年至沒讀經傳百之二三至弱冠後事繁惠
剛無滯博觀羣書上自公卿大六下至閭里後生書
教往復靡不手答平生所得俸祿
實於親舊身沒之後資業蕭然 四月湖廣苗賊糾

合廣西徭獍焚掠溆浦諸縣朱永白圭等擊敗劉通
於豆沙河境擒之以獻皆伏誅趙輔韓雍搜戮大藤
峽餘賊有功竝勅獎之五月翰林院修撰羅倫論李
賢宜聽終制黜爲福建市舶副提舉李賢還京再求
終制不允禁侵損古先帝王忠臣烈士名賢陵墓監
察御史楊琅請復王徽羅倫官上曰比姑宥罪六月
調儀封知縣胡澄於祀儀封人留之兩廣賊寇平命
趙輔班師石和尚賊燒劫文昌縣治夔州通判禎遇

害虜入延綏境使彰武伯楊信佩平虜將軍印充總兵官統京營兵往討之夏津知縣薛正九年秩滿縣民保畱從之七月虜入寧夏西安知府余子俊平涼

知府王正保寧知府李正芳

正芳麻城人麓川用兵以戶部主事有功歷知

東言高陽保寧三府能聲著聞在保寧以軍功節保定知府周晟鎮江知府姚堂東昌知府徐琅登

州知府韓敏湖州知府丘璿常州知府宋璽蘇州同

知盧忠王貴濟南同知楊必貴通州知州何源薊州

知州史素崇慶知州周尚文濱州知州



泰安

知州李琪高唐知州郭昇曹州知州伍禮鈞州知州

鄭珪光州知州彭述安慶府推官宋瓊山東布政司
楊聰順義知縣徐晟灤縣知縣賈貞長垣知縣
劉弘吳江知縣韓槃嘉定知縣龍晉華亭知縣石玫
當塗知縣韓恭歙縣知縣吳遜儀封知縣胡登柘城
知縣李琳新鄉知縣楊清獲嘉知縣邢表汲縣知縣
盧信湯陰知縣尚璣臨漳知縣戴昕光山知縣曾瑀
固始知縣薛良濟源知縣段永郊縣知縣王璽陽信
知縣曰曼商河知縣寇源嘉祥知縣慶福山知縣
段堅太清縣丞彭賢竝以廉能賜誥勅旌異冊皇弟
見治爲新王克沛爲徽王魯王摩輝堯中戒出使王

府官毋受宴餽虜寇固原勅諸將協心防禦八月申
姦淫及居喪宴樂之禁以虜寇深入命兵部尚書王
復往延綏左都御史李秉往大同整飭邊備定納馬
贖罪諭祭故少保兵部尚書于謙復其子寃爲府軍
前衛副千戶九月禁邊衛官假貸罔利十月虜入延
綏右參將署都指揮湯胤勅死之予贈祭總兵官撫
寧伯朱永白圭與都御史王恕討石和尚劉長子等
於荆襄擒之傳陞尚寶司卿凌敏等十三人皆以寫
佛經道書及工匠之役進者自是其途益廣巡按河
南監察御史以反賊劉通疎屬并傳錄財產解奏上

日族殊非聖世法其亟發寧家財產還之十一月刑部員外郎彭韶言事逮鞫錦衣獄并罪及代韶書進士林數虜入安定縣虜入遼東以平兩廣流賊功封趙輔爲武靖伯韓雍和勇等論功有差皇長子薨十二月命刑罪毋覆奏御史方佑復以請上怒杖之調外任大學士李賢卒命大常寺少卿兼翰林院侍讀學士劉定之於內閣參預機務令順天府收養巷市疲癯殘疾於養濟院

三年正月以平荆襄賊功加白圭太子少保支從一品俸進朱水爲侯廣西斷藤峽賊破容縣焚劫而去

賜朝鮮國王瑀曰周邾旅獒朕甚慕焉王三致白鵲
烏海青諸物獵致珍異未免勞民或生其咨夫王詩
書禮義之國也尚忱念之賜蘇州知府邢宥勅曰比
歲守令匪人朕甚念焉爾治蘇多年庶民瞻之特陞
爲浙江布政司左參政仍掌府事爾無渝心庶副朕
委宥字克寬文昌人正統十三年進士授監察御史
廉介不少假借景泰初治宦官王振黨獄督通州
糧實宣府甚有能聲出按福建後按遼東風裁撫一
時天堯與兵遷知台言四年丙以按察書事就逮
台民數千人詣關奏罷調晉江丞除月推知
蘇州方以淳朴變其侈俗擢左僉都御史勅京營
總兵太保會昌侯孫繼宗曰虜酋毛里孩渡河而東
以侵大同聲言求貢殊無誠心今欲選一宿將統御

團管精兵五萬以俟調遣孰可者選兵五萬果足用
否卿爲朕畫之繼宗請調二萬赴代州調三萬綠宣
府至大同接應禦虜總兵主將請聖裁下兵部議可
任者遂以撫寧侯朱永佩平胡將軍印充總兵官右
都督劉聚充左參將都督同知鮑政充右參將率京
營馬步官軍十五萬往二月丁酉朔日有食之毛里
孩三上書求貢許之勅曰朕受天命承祖宗內華外
夷皆赤子也弗率政化有怒無拒爾毛里孩昔嘗來
廷矣忽擾我邊悔過歸誠朕特允爾來爾卽率領部
落退處邊外所調使臣人毋過三百夫天道好生朕

所奉以子民也爾體朕心朕將錫爾福焉命巡撫大同右副都御史王越贊理軍務兼紀功賞以邊城屢警京師當嚴命太子少保戶部尚書馬昂右副都御史林聰左給事中潘禮陳鉞清理京營軍士徭賦陷北流縣德王見濙之國李震討靖州苗大克之祠宋儒何基王柏金履祥許謙於金華三月召復商輅爲兵部左侍郎兼翰林院學士參預機務封趙輔爲武靖伯左都督毛忠爲伏羌伯四月威州知州何淵以母喪去任夷人請留之命仍爲知州馬昂等清理京營軍報命上命仍分爲十二營操練改白圭爲兵部

尚書同定襄伯郭登太監裴當提督之設十二營坐
營官每營令內官一員協同管操十二營曰奮武曰
耀武曰練武曰顯武曰敢勇曰果勇曰幼勇曰鼓勇
曰立威曰伸威曰揚威曰振威虜毛里孩遣使朝貢
乞報使不許科道官請上勵精圖治所啟愨愨節遊
適宴樂之事罷金豆銀豆無名之賞與羣臣脩省以
弭災變上嘉之六月戊申雷震南京午門名復羅倫
官調之南京刑科左給事中毛弘等言請并復王徽
王淵朱寬李鈞李翔等不許命襄城伯李瑾佩征夷
將軍印充總兵官兵部左侍郎程信爲兵部尚書總

督軍務調四川貴州官軍勦捕山都掌蠻

程信字步實休寧人

正統中進士授吏科給事中其時北征備廷臣疏諫不報師潰土木虜遂南侵京師戒嚴命守西城虜薄都畿都督孫鏗禦之失利乞領衆入城信堅持不可躬督諸軍城上以火鎗礮石鼓譟下爲鏗援虜引去景泰中陞左給事皇上皇居南宮上中興固本十事其一事則以下象屢變請景帝帝隆孝友答天心陞山東右叅政總理遼東邊餉撫都御史奏倉官吏卒盜糧石以上者死乃造新斛視舊加二十付信信立碎而火之曰使彼真盜不足卹今故造此斛置人死地豈情也哉以憂去轉四川分巡松潘夷亂備侍郎羅綺進攻破其黑虎諸寨英廟復辟錄景泰間上言之人陞太僕卿遂東巡撫缺員陞都察院右僉都御史建州夷酋董山潛結朝鮮信使土官佟成授以成算往廉之得胡鮮授董山中樞院使制書以選信請乘其未發急遣使問之以伐其謀朝廷命一給事往朝鮮一給事譯首往建州兩會初不直承出制書示之威拒類愕然各貢馬謝罪虜酋李來聚衆欲入寇信率師巡邊營于境外者凡三月坐累調南太僕少

卿監刑部右侍郎成化中山都掌蠻謀大壩山箐之
險叛服不常陞尚書提督軍務與李遂討之信至未
嘗自督大軍入金鷄池又分四路兵期會于大壩將
士依信方器用神銃勁弩攻賊賊不能支連破二十
餘寨獲銅鼓數十斬首五千級生擒二千餘賊復走
入深洞信命軍士以土石塞其門圍之月餘賊死洞
中臭聞十餘里又陰察九姓土獠之附賊者遣師撲
之未及載都掌悉平進大理郡陞南京兵部尚書等
出軒轅與六卿合議復上興利除害三十
餘事多見諸行居四載乞休卒諡襄毅 七月加封

漢董仲舒廣川伯宋胡安國建寧伯蔡沈崇安伯真
德秀浦城伯勅曰地載失寧南京午門復有雷震之
異朕齋滌求過爾在廷諸臣共朕天職得無有竊位
蔽賢懷利徇私未達聽聞者乎夫怠而能勉過而能
改知止足而能退朕所與也遂并勅南京文武羣臣

修英宗睿皇帝實錄成加陳文彭時太子少保兼文淵閣大學士九月停徵江西湖廣有災稅糧冊泰堪爲魯王十月總兵官武靖伯趙輔左都御史李秉勦建州虜克之十一月增雲南貴州鄉試額十二月流賊入石康縣執其知縣以去編修章懋黃仲昭簡討莊昶上書言事杖之調外任

四年正月改章懋黃仲昭莊昶於南京免外調甲戌月食陰不救護論平建州虜加李秉太子少保進趙輔爲侯三月命祀宋丞相李綱于邵武府學建州虜復糾合彘顏二衛寇遼東開原塞上戶科左給事中

丘弘等言國初北直隸山東地方土廣人稀太祖太宗屢渙綸音許民耕種永不起科聖謨遠矣乃權豪勢要專利病民或稱爲退灘或指爲空圖往往朦朧奏請切見嘉善長公主累請文安等縣閒地西天佛子劄實巴奏求靜海縣地及宛平佃戶俱蒙俞允夫公主帝女也兼以駙馬兩祿猶稱不足劄實巴佛徒也反慈愛行剝奪承行者受其囑托勘報者畏其權勢失百姓之恒業飽谿壑之無厭伏望收回前命還給下民仍勅該部痛革往弊示以重法上是之繼自今一切不許著爲令命提督兩廣軍務兼巡撫左副

都御史韓雍專一總督軍務增置廣東廣西巡撫官
各一人四月錄故右都御史顧佐左都御史軒輶左
副都御史馬謹禮部右侍郎王士嘉南京刑部尚書
耿九疇南京戶部尚書沈翼子孫各一人入國子監
讀書李瑾程信討山都掌蠻平之賜勅獎諭封西僧
剎巴堅參爲萬行莊嚴功德最勝智慧圓明能仁感
應顯國光教弘妙大悟法王西天至善金剛普濟大
智慧佛剎實巴爲清修正覺妙慈普濟護國衍教灌
頂弘善西天佛子大國師鎖南堅參爲靜修弘善國
師早禱亦命審錄獄囚出矜疑并行于南京五月冊

祁瑛爲鄭王祁埤爲蕭王詔順天府存恤孤貧封周壽爲慶雲伯都察院左僉都御史張岐有罪除名御史謝文祥奏張岐故禮部尚書姚夔所舉及科道劾岐左給事中陳鉞與同里不署名二臣皆宜罪因爲主事彭韶訟直上下文祥獄已降爲南陵丞甲寅慈懿皇太后崩上屈於太后欲無附裕陵下羣臣議七月戊午朔越明日己未又明日庚申羣臣連章言不可禮部尚書姚夔率諸大臣跪伏文華門俟命上固請於太后乃命合葬辛酉上始衰而見羣臣固原土達滿俊等作亂命太監劉祥監軍務巡撫陝西右副

都御史項忠總督軍務都督同知劉玉佩平虜副將
軍印充總兵官都指揮同知夏正劉清充左右參將
統兵討之起丁憂南京大理寺卿馬文升爲右副都
御史巡撫陝西與項忠協同勦賊丙子上慈懿皇太
后尊諡八月論平山都掌蠻功進程信兼大理寺卿
李瑾爲侯封左都督羅秉忠爲順義伯癸巳京師地
震九月庚申祔葬皇太后裕陵癸亥彗星見六科給
事中魏元等言竊見今春以來災異疊見近又彗見
東方皆陰盛陽微之證也臣聞君之與后猶天與地
不可得參貳焉聞陛下於中宮有參貳之者禮部尚

書姚夔等嘗言之陛下謂內事朕自處置屏息傾聽
將及半年而昭德宮進膳不聞減中宮不聞增夫宮
牆雖深視聽猶咫尺席雖微懸象甚著陛下富有春
秋震宮尚虛豈可以宗社大計一付愛專情壹之所
不求子孫衆多固萬年之業哉若者民父母也子有
饑寒疾苦父母必寢食不安今四方旱澇民困日急
盜賊日盛荆襄流民所在劫殺人心搖撼陛下覽饑
民之奏不蒙省懼尚循故事付部施行尚書馬昂等
持尋常活套之言以爲題覆殆猶子訴饑寒父母若
不聞知今賣官鬻爵徧於內外征稅未罷內帑未發

兩京文武大臣多奸貪蒙蔽之徒陛下謂先朝舊臣
不忍遽去夫大臣者君之家子而小臣衆子也若冢
子懷姦衆子効尤父恬不治家道散矣至於僧徒過
爲信待每遇生愍之辰輒費無限貲財建無益齋醮
而西番劄實巴等又加以法王名號賞賚隆厚出乘
樓橋導用金吾計其奉養過於親王又朝廷賞賚無
節玩好太多或印施經懺或填寫佛經或爲繪畫之
像或造寶石之具雲南等處鑛場採辦不止如此而
欲民富國安不可得也伏惟陛下思祖宗傳體之重
正宮闈之分罷征稅之務施賑濟之改革去法王等

號勅止寺觀不得建醮修齋節無益之賞罷不急之
好大臣不職者許其自陳休致則天變可弭治道克
舉上曰宮中事朕自處之其餘所司施行十三道御
史康永韶等亦奏比者雷震殿門風拔陵木旱澇地
震中外迭聞星象垂異密邇三垣兼今西兵失利南
北荐饑人事天時皆可憂懼臣聞太子天下本古者
人君一娶九女以廣繼嗣今前星未耀宗廟神靈四
游人物所托陛下宜念也伏望均六宮之愛協宜家
之祥庶幾螽斯麟趾繩繩振振如是則大本立佛之
無益從古論之今寵遇番僧有佛子國師法王名號

儀衛過於王侯服玩擬於供御錦衣玉食徒類數百
竭閭閻之脂膏奉虛幻之妄徒又多中國之人習爲
番教圖寵貴者伏望資遣番僧使之還國若繫中國
人追奪成命使供稅役如是則民生厚祖宗以儉立
國嘖笑不輕近年予旣太濫用亦大奢一美珠而賞
銀數百一寶石而累價巨千傾府庫之財易無益之
物又後宮供奉倍增光祿常供不足以給則和買於
外如唐宮市民心惶惶怨言盈路伏望節珠寶之費
減宮闈之供如是則民心悅陛下卽位之初放鷹犬
罷土木海內欣欣近日以來土木漸興鰲山預建伏

望痛自挹損罷去不急其採辦銀鑛印馬內臣已行者取回未行者停止如是則民困舒上納之命西天佛子劄實巴出所求田地歸民勅曰朕弗克修心正身近御家邦遠寧海宇將奚繇格高厚感神祇八月癸巳京都地震九月初以來尋見北斗朕齋滌自新祇告天地非徒言之爾文武羣臣輔朕尚各警息去欺堅忠固節天將鑒之以不致罰朕將資之以不負使三光上全九域下安豈非君臣同德之効與爾文武羣臣圖利之禮部請發遣番僧上曰恐失遠人心惟禁僭耳監察御史左鈺言比者言官陳言請革番

僧名號斷天下之疑絕後代之惑陛下是之及禮部
欲行發遣又復停罷伏望師周孔之格言行堯舜之
常道佛若有知必是臣言不報彗之見也給事中董
旻陳鶴胡深監察御史陳宏鄭己何純方昇張進祿
林誠各劾奏商輅姚夔程信等不職當罷上皆留之
輅各上章求退而夔自負才氣心不能平其章多詆
言者至比之匿名之書疏言之謗旻等復劾論輅信
而攻夔尤切謂先王之世采民謠以觀政而夔以比
匿名書祖宗之制許言官風聞言事而夔以比流謗欺
天罔人亡忌特甚乞早罷之加以臣等所言不信卽

乞補臣等於外上震怒謂言官糾劾生殺予奪悉聽
上旨此祖宗憲綱旻等乃故違再劾命錦衣衛三法
司執同多官廷鞫之林誠又言臣以病軀勉強供職
近劾商輅當邸邸廢儲之際不能救正今復起用不
合人心蒙聖諭以輅居內閣累有諍言非外所知臣
思言既失實宜加罪譴乞放歸田里上曰唐太宗用
王珪魏徵朕用商輅有何不可而屢瀆奏亦命廷鞫
之十月給事中毛弘等上疏抅解商輅亦言於上上
命人杖二十復其官以脩德弭災考察內外官員項
忠等征勦滿俊賊敗之伏羗伯毛忠死焉賜贈諡祭

葬忠等皆降勅獎諭之旌異蒲州知州徐孚吉州知州伍琇龍陽知縣李泰和州判官張紳臨照知縣卜釗淄川知縣劉文寶雞知縣馬傑賜誥勅十一月庚申彗滅十二月贈死賊者夔州府通判王禎雷州府通判王麟各爲本府同知叙州府戎縣知縣李旺爲本府通判賜誥勅監察御史邵有良巡視光祿寺以寺多蠹費令所司報實而署吏遲之有良杖吏中官回保不使其執法誣奏有良索報各宮日用之數事涉不敬上大怒令陳狀旣陳狀杖之調外任御史戴用上六事其一言薦舉上曰今後兩京四品以上官

缺吏部具缺朕自簡除方面官如正統間例保舉御史劉璧等言除吏不必躬親卽保舉用人亦恐有市恩植黨之弊上曰特旨擢用大臣與大臣保舉方面皆祖宗法也令吏部具疏永樂以來除授勅旨宣德正統間保舉故事以聞因責璧等陳狀

五年正月韓王徵針薨吏部尚書李秉罷二月進封撫寧侯朱永爲伯項忠與馬文升平滿俊賊獻俘伏誅閏二月詔官員三年滿後乃得旌異若所舉不公或以奸貪敗者連坐之三月正一嗣教大真人張元圭坐奸淫械繫至京下獄論死四月皇子生五月癸

丑朔日有食之封前軍左都督和勇爲靖安伯廣西
流賊焚劫廣東陽春縣靖江王佐敬薨十月旌異雲
南左參政路壁松江府同知傅愷開州知州謝鳳真
定府推官吳箎無極知縣石倫武邑知縣楊琇臨城
知縣張佐新安知縣魏恭山東按察司知事楊升賜
誥勅十一月虜寇延綏分掠保安安塞二縣十二月
慶王秩燿薨置太平縣

六年正月大同總兵官彰武伯楊信與副總兵都督
僉事徐恕右參將都指揮同知張瑛擊虜胡柴溝堡
勝之降勅獎諭壬戌甘露降於郊壇二月兵部尚書

白圭等言陝西延慶平涼等處人民累遭寇掠加以
官府酷虐轉徙流離困苦已極四川瘡痍未瘳兩廣
盜攘未息疫癘大行於閩粵災異迭見於淮南且旱
潦相仍者連歲南北畿甸河南山東雨雪愆期二麥
稿死而荆襄流民動以四十萬計衣食所迫姦盜繇
之乞簡命兩京大臣循行天下考覆政事黜罷不才
官吏便宜興革其有巡撫官者就委行之上曰其與
吏部計於是圭與吏部尚書姚夔等議陝西山東山
西湖廣荆襄兩廣貴州南北直隸具有巡撫都御史
勿論江西有撫民按察使趙啟雲南多繫土官衙門

可無遣當遣者河南四川浙江福建及直隸大名等
府上命刑部左侍郎曾鞏往浙江戶部左侍郎原傑
往河南右副都御史滕昭往福建南京戶部右侍郎
黃琛往四川大理寺少卿宋旻往大名召趙致還京
以南京大理寺少卿夏時正往召巡撫湖廣都御史
羅篪掌南京都察院以南京右僉都御史吳琛代之

賜勅以行

曾鞏字時升秦和人宣德八年進士差營
繕王葬事不受一物正統初授刑部主事

嘗佐戶部侍郎焦宏備兵吳越焦還朝語人曰曾公
雖使宿台帛庫不染也累遷河南左布政荆襄盜起

念王師出征必道其省豫時銀粟以備犒軍師至如
歸歲饑民貧須賞軍銀萬兩公私莫辦會計倉糧數

多出百萬平糶軍實無缺先行後奏皆從其言召爲
刑部左侍郎命遷視浙江許便宜行事考察官吏多

得其當唯去布政使張清頗乖輿論還京習部有中
貴怙寵殺人具奏逮治于是京師咸貴無敢犯法乞
致仕歸家居二十餘年足跡不一至城府當道議歲
撥供役又有諳文臣五品以下廉且貧者歲給俸皆
固辭不受 滕昭字自明汝州人正統六年以鄉舉
授監察御史巡按順天福建俱有聲績天順初擢左
僉都御史以憂去成化初奉命巡撫遼東謹斥猴殿
訓練備務采明賞罰數年虜不敢近塞疏言大明律
一代定法而決斷武臣獨舍律用例坐是益貪縱不
簡請一切以律從事詔從之久之武人騰謗奏格其
令或化二年進右副都御史總督漕運兼巡撫淮揚
昭奏建吳二庶人宜移本城舊中書之省居之或安
道有城池軍衛之所稍便出入亦聖王罪人不孥之
意疏下禮部議止五年一名還復遣巡視福建上杭
有紫雲臺者鄧茂七之黨嘗據爲亂昭請立歸化縣
治未還改視蘇松以馬馱沙最繁盛奇治江陰請分
置靖江縣俱報可七年拜兵部右侍郎復轉左侍郎
值汪直管西廠刺事偕橫日熾中外累足立於是兵
部尚書項忠倡義草疏約九卿會劾詔罷西廠而御
史戴縉久不得調乃言直所行皆公直不宜革罷於

直得管西殿如故滯途進用直既司殿事首發忠

廷翰送三張罷去點亦以忠故致任年五十九卒

夏時正字季熊仁和人登進士第五人以南大理

寺卿被命巡視江西黜貪濁者二百二十餘人革濫

徭理庾賦放免無名稅十餘萬石勸民出粟七十餘

萬賑饑民二十三萬戶修築南昌城長河洞民叛服

不常單車詣粟穴曉以底德感泣歸順復疏時弊二

十事以聞當道有不悅者三上章乞去得旨遂行歸

杭僦屋以居左右經史著述爲事藩司爲建西湖書

院於孤山復建和靖巢居閣以居之卒年八十九故

冢宰華亭錢公作海內耆英會時正其一也所著有

餘畱藁三十五卷太常志十卷三禮儀畧舉要各十

卷杭州志六十三卷禹貢詳節一卷

晚好春秋作春秋辨疑未脫藁卒

勅曰朕夙夜治

理自冬阻春災異荐臻雨雪不降豈德不敏而政多

缺與抑爾郡臣弗克竭誠盡公輔朕不逮也朕將率

爾禱于山川其各洗心滌慮勤脩乃職凡政事未善

刑罰失中及有惠利可興舉寬抑可伸理者條具以聞於是吏部等衙門尚書姚夔等官合奏引罪辭職上曰朕勅爾脩省合辭求退豈交脩哉所命條具速議以聞丁丑車駕詣禱大風沙昏是日河南開封府晝晦如夜三月庚辰京師雨霾晝晦陝西寧夏大風揚沙黃霧四塞翰林院編修陳音請上御經筵之外召問一二儒臣以弘講學之功佛子法王真人妖妄之徒乞降其位號杜其恩賞上曰佛子真人名號祖宗之舊如何可更虜人延綏詔延綏開屯田旌異山西僉事胡謚保寧知府章津淮安知府楊景杭州知

府張僖鳳陽府同知戴耀安州知州趙瑛徐州知州
王叙南昌府通判虞良阜城知縣林恭吳橋知縣張
鐸館陶知縣唐禎安丘知縣何鎮賜誥勅命撫寧侯
朱永佩平虜將軍印充總兵官都督劉玉劉聚充左
右副總兵太監傅恭顧恒監督軍務右副都御史王
越參贊軍務往延綏備虜四月陞監察御史梁鑑爲
陝西按察司副使撫治漢中流民五月上欲建佛閣
於西山尋以六科給事中言罷之復置興山縣六月
戊申朔日有食之以會舉官未得人命吏部自今方
面官缺推舉兩員來聞不必會舉著爲令七月皇子

生是爲孝宗皇帝母曰紀宮人以京師大水民舍倒壞命戶給米一石死傷者給二石乙酉奉安孝莊廢皇后主于太廟命都察院右都御史項忠吏部右侍郎葉盛賑饑都城內外右府署都督僉事李杲撫治屯營達官人等以京城內外盜賊縱橫命選五城兵馬及責成錦衣應捕官較開設漳平縣朱永擊虜勝之八月詔曰比者災沴荐臻畿甸尤劇三時不雨一雨連旬旱澇相仍民食乏絕循省厥咎在予一人百姓何辜罹茲艱厄其令所司理輕繫蠲租稅諸逋負監鈔鹽課毋徵陪失馬駒上林苑虧損生口毋責償

及採辦物料未入者己之召還北直隸河南山東清
軍御史發各預備倉資賑濟荆襄流民所司謹視毋
令失所事有便民者以聞九月秀王見澍之國發京
通二倉平糶以賑民十月刑部覆奏真人張元吉行
刑詔免死杖之百發肅州衛充軍都給事中毛弼等
言元吉罪重惡極殺人獲生何以馭天下伏望市戮
以昭國法上曰己之十一月以荆襄流民羣聚爲亂
命項忠總督河南湖廣荆襄軍務復設浙川縣十二
月以冬深不雪命大臣禱于山川遣官分賑近畿饑
民以畿輔水澇遣官祭告于北嶽北鎮以賑饑無策

降順天府府尹嚴鐸爲知府戶科都給事中丘弘等
言京城內外風俗僭侈簇盤糖纏豐備酒席服飾用
織金寶石亡論貴賤射利之徒至販賣寶石以爲專
業或以進獻爲名邀取官職倍獲價利蠹國病民乞
嚴禁革下刑部議上命備榜禁約犯者不宥

七年正月令六部都察院等衙門四品五品管事官
及科道掌印官各舉所知一人調南京監察御史沈

源於外任初南京僉都御史高明言守備軍士宜時

缺守備官役占尤多源乃令各衛悉具名數并本軍
年貌按之將盡革其弊於是成國公朱儀及太監安
寧等不悅因疏言南京國家根本軍械朝廷密務源
視爲常事討問名數且操練之時御史忽至則軍士

紛然出候使事體不專軍機不密誠為非宜上然其

言以御史更易不常何乃更張擾亂如此命械源至

問理仍命自今但令內外守備參贊官閱視若為令

凡御史預軍事者皆罷之至是源至下獄刑部擬罪

以聞有旨贖罪改外任源之被調也南京御史給事

中及刑科給事中虞瑤等交章論救上以事既施行

聽下南京禮部郎中呂晟及主事林孟和于南京刑

部獄先是孝陵祀事自宣廟登極後委動戚大臣主

辭南京禮部乃會官擬請成國公朱儀代輝以聞命

未下儀辭不敢擅往南京太常寺少卿潘榮劉宣以

儀辭為當移文輝仍主祭晟等乃上奏劾儀等曰謹

按大明律凡大祀及廟享百官已受誓戒而甲喪問

病者罰俸一月其知有細麻以上喪令陪祀者罪同

謹詳律意甲喪不可則居喪豈可總麻不可則斬衰

豈可陪祀不可則主祀尤不可者國家制律一本乎

禮律之所在禮之所在也儀受朝廷重寄雖未奉詔

旨而仰體聖心代輝行事未為不可榮宣輩依阿聽

從俱不諳大體不權時宜臣等職忝禮官義不容默

乞勅該部詳審所奏議擬明白上下其奏於禮部
書卿幹幹上奏歲等所論禮之在臣下者也儀等之
守禮之在朝廷者也人臣以君命爲重而事有威命
者不可以擅更禮義絲人心而生而情有不同者不
可以繁論陵寢之祭高哀愴之情視之廟享禮實不
同駢馬及陪祀官恭詣長陵等陵行禮俱不分有無
服制亦不可純用吉禮况孝陵祝文當稱孝曾孫嗣
皇帝謹遣某官之詞此乃威命不敢不遵者若命儀
暫以代輝則祝文改易不幾詐傳詔旨然則輝仍主
祭者蓋以君命爲重儀等辭不往者亦以威命當遵
按諸禮法俱爲允當歲等名曰引律心實挾私辭若
議稟意實憤忿宜治其妄命下之獄林孟和
人居官 年上言本部侍郎倪謙皆傳奉得官臣觀
其人駭法拘情市恩鈞譽未同而爲之屬臣恐久而
與之俱化願調臣官別用有旨責 三月增置工部屬
孟和毀辱大臣調爲慶陽通判

官三員稅課抽分於太平蕪湖縣荊州沙市杭州城

南前此三處客商停聚竹木市賣有司收其課鈔至
是工部尚書王復以在京蓋造公署造成供應器

物及在外料造運船費用缺乏建請添官分往抽分
解部以充管轄是年所得僅餘千金其後積差者歲
歲加益至以萬數逆相率陵削不省封後軍都督府左都
爲能商人頗有怨聲屢愬不省

督劉聚爲寧晉伯

劉聚御馬監太監永誠之姪歷官
右都督前此充副總兵與撫寧侯

朱永禦虜于延綏嘗失利黃革梁被創幾死而我師
轉戰擒斬虜級奪獲賊馬論功進陞左都督聚不滿
意累自陳功高爲兵科所劾聚上不聽與聚位高不置
襲莊宗之制公侯伯爵皆論功定議蓋積其前後之
功無官可賞然後加爵非如百戶一級可至千戶千
戶兩級可至指揮也自都督同知趙輔征兩廣還大
肆賂遺得封伯爵人始不以得爵爲難或襲以爲例
矣乙酉上復御經筵丙戌上復御午朝禮部左侍郎邢讓國子監祭酒陳鑑
司業張業俱坐罪除名四月命外任考滿應選用風
憲者悉聽吏部推擢著爲令旌異四川按察司僉事

李嶽江西僉事史瓘廣平知府熊懷呂州知府阮勤
嘉興知府楊繼宗真定府同知曾遠淮安府同知安
純東昌府同知陳僑杭州府同知陳祥九江府同知
相迪階州知州楊冕臨清知縣薛芳樂平知縣金澤
給誥勅五月以民疫多死置漏澤園於京城外蜀王
申鉉薨七月荆襄總督軍務右都御史項忠鎮守湖
廣總兵官右都督李震撫捕荆襄流民事竟降勅獎
諭整理天下預備倉遼王貴燧薨九月冊遼壘爲慶
王陞戶科左給事中李森爲懷慶府通判

時各科缺給事中吏

部各以本科資次當補者列名上請上皆如所擬惟森以左給事中特命陞外任吏部操森興化府知府

復命有通判缺除去閏九月置靖江縣十月夜殺吉

安知府許聰

聰以吉安民好訟劫盜方熾且奉勅行

又其為人矜傲藩臬官多疾之會副使夏寅提學至

吉安聰屢抗拒寅不堪還語按察使牟俸俸切齒嫉

寅奏發其平日兇惡及侵欺官錢諸事未及勘報適

南京大理寺卿夏時正巡視江西考察官員入寅等

言考聰貪酷黜為民聰不服而守禦千戶蔣慶具以

其貪酷事白時正遂委三司掌印官牟俸等執聰下

獄簡其簿案人命數具疏以聞而監察御史俞蓋以

寅與聰有隙事有干對當提問亦具奏土遣刑部員

外郎李廷美往會勘問還奏所勘人多病死獄中卽

有傷於杖者亦非挾私所致惟侵欺罪實特撥聰監

守自盜俸黜為民刑部以為宜盡受贓法例發充

軍聽以已被俸等構陷亦具諸人姦貪不法并俸主

使夏寅蔣慶及佐使夏時正將人命害己等情懇辨

不已上以聰人命數多疑廷美等有所私蓋時已代

還俸被逮復遣錦衣衛千戶金璋覆實械聰至仍命

都察院會官廷鞠之乃比故勘律擬斬是時司禮監

太監黃高賜用事而吉安人洪僧官往來賜所聽嘗
善辱共僧官徒余瓦擦其首血流被面以是恨聰而
露之高卽取中旨令卽如所擬處決刑科都給事中
白昂等以未經審錄爲請不從且令毋覆奏遂以是
日夜四鼓押赴市曹斬之廷美生勸聰事不實降衛
州府通判蓋降澧州判官寅等事俱免勸聰之死說
者謂其兇暴致禍但係比律不許復奏又乘
夜行刑皆高之罪而俸尋得名爲太僕寺卿以運河
淺淤調南京刑部左侍郎王恕爲工部左侍郎總理
之戶部請以布一疋准折文武官員俸糧二十石甲
辰月食深州知州韓儒言比歲累廩明詔嚴察官治
而奔競滋甚貪暴遂多乞自今在外有司必待三年
或六年政績卓異民心悅服察之鄰境如出一口方
許薦舉凡有舉主下吏部先察之舉得其人不必覆

勘非其人者必詳核之後以奸貪敗者皆行連坐下吏部覆奏從之十一月甲寅立太子詔天下荆襄南陽等處流賊悉平十二月彗星見勅曰乃者彗見天田光芒西指仰觀玄象祇懼實深豈朕淺涉闡道刑政乖與用人未當賢否淆歟聽言不察是非紊歟將用度奢侈賞賜不節妄費財歟營繕頻煩科斂無正傷民心歟有一於此皆朕之過爾文武臣亦可不痛修省歟凡時政得失生民利病尚條聞之壬午望以星變避正殿徹樂御奉天門如常朝儀癸未朝退御文華殿召見太學士彭時等文武大臣及科道官各

條陳時政皆嘉納之併石庾縣于合浦縣光祿寺少
卿陳鉞上言近來蟲蟻房并清河等處畜養猴豹鷹
犬之類不下八千有奇計其費每歲肉三萬七千八
百斤雞千四百四十隻雞子三千六百九十枚棗栗
四千六百八十斤粳稻等料七千七百七十六石直
銀通數千餘兩今歲歉民貧流殍載路而羽毛之微
得食人食乞行放散人匠倪忠等畫佛雕像歲費食
米五百六十餘石工銀三千五百餘兩又多以技藝
陞官乞行裁罷歲時及齋醮等事所用菓品曩皆散
撮近乃黏砌裝盛尺盤斤數加增至千有餘侈於郊

祀廟享至其求福求嗣祈雨祈晴并無實效夷狄餘教斷難信重乞黜無益停不急以養聖德節財用命所司省之兵科給事中郭鏜言曩歲尋見皇上下容直之詔禁增修廟刹納尚書姚夔疏處內庭有道今復見者豈於三事未克永終歟陛下試思羣臣有以言罪否近習有以禱祠惑否宮闈有以嬖倖寵否內省杜漸則善治可成天變可弭上曰諸大臣已言矣鏜復煩瀆固當逮問姑恕之是時工匠任文思院副使等官夤緣陞擢至三百餘員又有以奇巧託監局官進獻輒乞傳奉一歲三四遷至太常卿通政使者

每朝會宴饗參厠班行偶伍公卿冗濫猥多無慮千人至是吏部覆奏廷臣所議乞技精工匠量與賞賜愛惜名爵毋輕遷官從之工科給事中張琳奏等今久出大臣科道既有會議又復上奏竝蒙俞允朝野慶幸郭鏗之言雖賜優容尚怒煩瀆異求言初意矣祖宗設給事中御史所藉以廓聰明輔紀綱也卽其人未必賢言未必是願須容納養其銳氣宋臣胡寅有曰聽受忠鯁不憚拂逆非止面從必將心改伏惟陛下應天以實從謀弗拂人心悅天意回矣上曰諸臣言當朕身不從否亦不罪琳何又有此奏起用閒

住都御史滕昭爲兵部右侍郎自內旨左春坊左諭
德王一夔言陛下因彗星之變令大臣科道陳言徒
毛舉耳有可大憂而不昌言臣敢陳五事一曰正宮
闈臣聞家齊而後國治國治而后天下平正倫篤
恩義厚所厚薄所薄定尊卑遠寵倖溥恩惠廣繼嗣
如是者家齊二曰親大臣臣見皇上接見大臣常朝
之外唯有經筵講讀而已其他四方章奏悉付左右
內臣伏乞時御便殿少霽天威面召商略如是者大
臣親三日開言路臣惟御史給事中之臣近多因言
坐罪降黜乞悉許召還如是者言路開四曰慎刑獄

臣見皇上斷遣刑獄法司唯唯惟順之將夫祖宗舊制大辟覆奏必三所以重人命廣好生也近吉安知府許聰立命處決復以夜夫殺聰當罪猶且不可况又不當而法司之官絕不論執乞自今刑有不衷容其執奏大辟三覆遵用舊章如是者刑獄慎五日節妄費臣唯京師創造寺宇費動以數十萬計又連歲不休報國之工甫畢崇國之役嗣興奉佛無益古事已明竭財不經儉德匪慎至如寶石藏在內府儘足充後宮矣京民涂宗順進獻無算靡濫難言所宜一切罷斥如是則妄費節上曰陳言耳而妄自張固

當治也方求言姑宥之虜入西安州固原二路虜入
寧夏花馬池等處參將都指揮錢亮擊走之